



Kalaallit Nunaata eqqaani imartani aningaasaqarnikkut immikkut Oqartussaaffigisani avatangiisit illersorneqarnissaat pillugu inatsisip allanngortinneqarneranik inatsisissatut siunnersuummik Namminersorlutik Oqartussat ilaliinissaat pillugu Inatsisartut aalajangiiffigisassaattut siunnersuut.

(Nunalerinermut, Imminut Pilersornermut, Nukissiutinut Avatangiisinullu Naalakkersuisoq)

Kalaallit nunaata eqqaani imartani aningaasaqarnikkut immikkut Oqartussaaffigisani avatangiisit illersorneqarnissaat pillugu inatsisip allanngortinneqarneranik inatsisissatut siunnersuummik Namminersorerullutik oqartussat ilaliinissaat pillugu Inatsisartut aaliangiiffigisassaattut siunnersuut Nunalerinermut, Imminut Pilersornermut, Nukissiuutinut Avatangiisinullu Naalakkersuisup saqqummiussaanut Naleqqamiit imatut oqaaseqaateqassaagut.

Siunnersuut Naalagaaffimmi oqartussaasut Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnissaat pillugu inatsisip allanngortinneqarneranik inatsisissatut siunnersuummik Inatsisartut akuersinissaannik qinnuteqarnerannut aallaveqarpoq tassalu siunnersuut Inatsisartut ukiakkut 2023-imi ataatsimiinneranni immikkoortoq 36 normoqartoq oqaluuserinerani Naleqqamiit ersarilluinnartumik nalilersuisoqarlunilu aaliangiisoqarnissaanik saqqummiussisimavugut atuisunut akitsuutaasussat nunap inuinit sunniuteqartussat ilaatigut 20 mio. kr. qulaalugit aningaasartuuteqarnerusumik kinguneqartussaasoq saqqummiukkatigu oqaluuserisassaq oqaluuserineqarmat.

Inatsisissatut siunnersuut siusinnerusukkut saqqummiunneqarnikuusoq pisinnaatitsissummik siammasissumik imaqartoq oqaluuserinikuuarput, ilaatigut Kalaallit Nunaata eqqaani imartanut aningaasaqarnikkut immikkut oqartussaaffigisat issittortaanni (EEZ) HFO-imik tassalu heavy fuel oilimik atuinissamat aammalu assartuinissamat inerteqquneqarnermut Danmarkimi oqartussaasut maleruagassanik atuutilersitsinissaannik periarfissiisumik inatsit imaqarpoq. Tamannal pillugu Naalagaaffimmi oqartussaasut pisinnaatitsissut tamanna atorlugu nalunaarummik



Naleraq

atulersitsisimapput, juulip aallaqqaataani 2024-mit heavy fuel oilimik (HFO) atuinissamut aammalu assartuinissamut inerteqquteqartumik.

Maannakkullu Inatsisissatut siunnersuutip saqqummiunneqaqqinneranut pissutaavoq pisinnaatitsissummik aalajangersakkamik siammaseersumik Naalagaaffimmi oqartussaasut annertusaasimanerat, annertusaanerlu tamanna Kalaallit Nunaata eqqaani imartani aningaasaqarnikkut immikkut oqartussaaffigisani umiarsuarnik isaterisarnermut aamma maleruagassanik atuutilersitsisoqarsinnaangorlugu suliaq una qaqilerneqartuulluni.

Pisinnaatitsissummik aalajangersakkap annertusarneqarnera Naalagaaffimmi oqartussaasunit ingerlanneqarpoq inatsisissatut siunnersuutip siulliup suliarisimasatta tassalu Inatsisartut ukiaakkut 2023-mi ataasimiinnitsinni Inatsisartunut saqqummiunneqarnerata kingorna paasineqarmat paatsoortoqarsimasoq. Paatsoortoqarsimanera pissutigalugu inatsisissatut siunnersuutipallangortinneqarnerata Inatsisartunit akuerineqarnissaa Naalagaaffimmi oqartussaasunit qinnutigineqarsimangilaq. Tamannalu pissutigalugu inatsisissatut siunnersuutip annertusarneqarnera umiarsuarnik isaterisarnermut tunngasoq Inatsisartunit akuerineqarsimangitsoq maanna akuerisussangorlugu saqqummiunneqarpoq inatsisissatut siunnersuut Inatsisartunut saqqummiunneqartussaammat.

Atatsimiititaliami kukkusoqaqqinnginnissaa pillugu sukumiisumik suliarineqassasoq Naleqqamiit innersuussutigerusupparput aammalu aningaasatigut sunniutigisai taamatullu sunniutigisasassai millionerpassuarnik nunap inuinit sunniuteqaataasussat ilanngullugit nalilersorluarneqarlutik saqqummiunneqassasut Naleqqamiit kissaatigalutigu.

Naggataatigut sakkortuumik kaammattuuteqarniarput Qallunaat inatsisissaaat Naalagaaffimmi oqartussaasut Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnissaat pillugu inatsisip atuttussangorlugu Qallunaat inatsisaat kisimi aallaaviginagu nunatsinni aamma sineriammi umiarsuakorpasuanngortut salinneqartarnissat kaammaattuutigerusuppagut Naleqqamiit. Assersuutitut taaneqarsinnaasut amerlaqaat assertuutitullu Nalaeqqamiit taasagarput assersuutigeqqissavarput Naalakkersuisunut iliuuserineqartariaqartutut anngutaakkatta ilaat tassalu Upernaviup eqqannguani qeqertami kangerlunnguami umiarsuaaqqat angallatillu kiverartiinnalikkat salinneqarnissaat immamiittut sakkortuumik



Naleraq

kaammattuutigeqqissuagut ilami qallunaat pinngortitamut aammalu Kalaallit Nunaata eqqaani imartani aningaasqarnikkut immikkut oqartussaffigisani avatangiisit illersorneqarnissaat pillugu inatsit atuututtussanngortoq akueriinnariarlugu nunatsinni mingutitsisut ila isiginngitsuusaaginnarnissaanngilagut.

Taamatut Naleqqamiit oqaaseqaateqarluta ataatsimiititaliami susassaqartumi oqariartuutigit ilanngullugit sukumiisumik suliarineqarnissaat innersuussutigaaqut.

Taamaattumik inatsisissatut siunnersuut Inatsisartunut saqqummiuteqqinneqassaaq.